

仰视千七百二十九鹤斋丛书



自序

素問清明次五日牡丹華牡丹得名其古矣乎攷漢志有黃帝內經隋志乃有素問非出遠也廣雅白茱牡丹也本草芍藥一名白茱崔豹古今注芍藥有草木二種木者花大而色深俗呼爲牡丹李時珍曰色丹者爲上雖結子而根上生苗故謂之牡丹昔謝康樂謂永嘉水際竹間多牡丹又蘇頌謂山牡丹者二月梗上生苗葉三月花根長五七尺近世人多貴重欲其花之詭異皆秋冬移接培以壤土至春盛開其

狀百變斯其始盛也歟唐盛於長安在事物紀原洛陽分有其盛自天后時已然有宋鄴江周氏洛陽牡丹記自序求得唐李衛公平泉花木記范尙書歐陽叅政二譜范所述五十二品可考者纔三十八歐述錢思公雙桂樓下小屏中所錄九十餘種但言其略因以耳目所聞見及近世所出新花叅校三賢譜記凡百餘品亦殫於此乎陸放翁在蜀天彭爲花品云皆買自洛中僧仲林越中花品絕麗者纔三十二唯李英吳中花品皆出洛陽花品之外張邦基作陳州

元

牡丹記則以牛家縷金黃傲洛陽以所無薛鳳翔作
亳州牡丹史夏之臣作評上品有天香一品萬花一
品東坡所云變態百出務爲新奇以追逐時好者不
可勝紀已曹州之有牡丹未審始於何時志乘略不
載其散載於它品者曰曹州狀花紅喬家西瓜瓢金
玉交輝飛燕紅妝花紅平頭梅州紅忍濟紅倚新妝
等由來亦舊予以辛亥春至曹其至也春已晚未及
訪花明年春學使者閣學翁公來試士謁之問曰作
花品乎曰未也翁公按試它府去緘詩至曰洛陽花

要訂平生蓋促之矣乃集弟子之知花事園丁之老
於栽花者偕之游諸圃勘視而筆記之歸而質以前
賢之傳述率成此譜歐陽子云但取其特著者次第
之而已乾隆五十七年四月十日懷甯余鵬年自序
於重華書院

序

曹州牡丹之盛著於談資久矣而紀述未有專書懷甯余伯扶孝廉博學工詩主講席於此壬子春予以報最北上及旋役至曹伯扶爲予言二月杪覃溪閣學師來按試試竣相見屬以花應作譜伯扶因攷之往籍徵諸土人別其名色種族及夏月而譜成冬予謁師於省垣受其譜而讀之釐然可備典故師因屬予序而付諸梓昔歐陽公於錢思公樓下小屏間見細書牡丹名九十餘種及其著於錄者纔二十餘種

耳今曹州鄉人所植蓋知之而不能言而士大夫博雅稽古者又或言之而不切時地伯扶乃能訂今古證同異又附以栽接之法俾後之騷人墨客皆得有所援據而予以蒞事之餘得聞師門緒論復得伯扶名筆以共傳不朽實與邑之人士胥厚幸焉故不辭而序其概如此乾隆癸丑春三月知荷澤縣事宛平安奎文序

曹州牡丹譜

懷甯余鵬年伯扶



花正色

計三十四種

黃者七種

金玉交輝

俗名金玉璽

綠胎修榦花大瓣層葉黃蕊貫珠纍纍出房外開
至欲殘尚似放時此曹州所自出薛史品居第一

金輪

肉紅胎近胎二層葉胎下護枝葉俱肉紅莖挺出

花淡黃間背相接圓滿如輪其黃氣毬之族歟實
異品也

黃絨鋪錦

一名金粟一名絲頭黃

細瓣如卷絨縷下有四五瓣差濶連綴承之上有
金鬚布滿殆張記所謂縷金黃者

姚黃

俗名落英黃

此花黃胎護根葉淺綠色疎長過於花頭若擁若
覆初開微黃垂殘愈黃薛史有大黃最宜向陰簪
之瓶中經宿則色可等秋葵者似之第大黃無青

心稍異

禁院黃

俗名魯府黃

花色亞於金輪閒淡高秀歐品所謂姚黃別品者
曹人傳是明魯王府中種考明諸王分封曹地者
鉅野王泰澄定陶王銓鑰不聞有魯王因檢府志
鉅野王後輒稱魯宗此魯府之名所自蓋不可徵
實如此

御衣黃

胎類姚黃唯護枝葉紅色有千葉單葉二種千葉

曹州牡丹譜 二
者諸譜稱色似黃葵是也單葉膚理輕皺弱於淵
綃愛重之者蓋不以千葉爲勝

慶雲黃

質過御衣黃色類丹州黃而近萼處帶淺紅昔人
謂其郁然輪困茲則見其溫潤勻榮也

青者一種

雨過天青

俗名補天石

白胎翠莖花平頭房小色微青而開晚或以歐碧
當之初旭纔照露華半稀清香自含流光俯仰乃

汝窑天青色也率易以今名

紅者十五種

飛燕紅妝

一名紅楊妃

此花細瓣修長薛鳳翔亳州牡丹史云得自曹州方家今遍訊之蓋不知有此名疑卽飛燕妝然飛燕妝有三種一花色兼紅黃一深紅起樓子一白花類象牙色皆非也有告子曰薛史載方家銀紅二種色態頗類第樹頭綠葉稍別者宜細審之及觀至所謂長花坼者綠胎碧葉長朶花色光彩動

曹州牡丹譜 三
搖信然

花膏紅 俗名脂紅

胎莖俱紅其花大瓣若胭脂點成光瑩如鏡

喬家西瓜瓢

尖胎枝葉青長花如瓜中紅薛史謂類軟銀紅子
直以爲飛燕紅妝之別品耳又卽桃紅西瓜瓢

大火珠 一名丹爐焰

胎莖俱綠花色深紅內外掩映若然花焰熒流

赤朱衣 一名一品朱衣一名奪翠

花房鱗次而起緊實而圓體婉變顏渥頰凡花於
一瓣間色有淺深惟此花內外一如含丹

梅州紅

圓胎圓葉花瓣長短有序色近海棠紅然性喜陰
花戶解弄花而不解護持風日故其類不繁

春江漂錦

一名新紅嬌豔

花乃梅紅之深重者豔似海霞烘日蜃氣未消千
葉盛開出亳州天香一品上稍恨單葉時多

嬌紅樓臺

曹州牡丹記 四
胎莖似王家紅體似花紅繡毬色似宮袍紅有淺深二種

硃砂紅

花葉甚鮮向日視之如猩血妖麗奪目或云一名醉猩猩一名迎日紅曹人呼爲蜀江錦

妬嬌紅

青胎花頭圓滿朱房嵌枝絢如翦綵疊如碎霞蓋天機圓錦之比曹人以其色可冠花品也以百花妬名之

花紅萃盤 一名珊瑚映目

紅胎枝上護葉窄小條亦頗短房外有托瓣深桃
紅色緣趺重萼

灑金桃紅 一名丹竈流金

胎莖俱淺紅色花色深紅大瓣如盤破痕鉞蹙黃
蕊散布周記蹙金樓子卽此

狀元紅

重葉深紅花其色與鞞紅潛緋相類有紫檀心天
姿富貴昔人名之曰曹州狀元紅以別於洛中之

狀元紅也

榴紅

千葉樓子色近榴花

花紅平頭

綠胎花平頭濶葉色如火羣花中紅而照耀者出

胡氏

白者八種

崑山夜光

胎莖俱綠枝上葉圓大宜陽成樹花頭難開開則

房緊葉繁綢繆布護如疊碎玉乃白花中之最上乘可謂自明無月夜古名鐙籠有以也別品細秀瓣如梨花意態閒遠名梨花雪

綠珠墜玉樓

俗名青翠滴露

長胎胎色與莖俱同崑山夜光花白溶溶蕊綠瑟

瑟

玉樓子

莖細秀花挺出千葉起樓如水月樓臺迥出塵表曹人以其絨葉細砌如塼以雪塼名之

瑤臺玉露

俗名一捧雪

花蕊俱白

玉美人

大葉色如傅粉俗名何白以此

雪素

粉胎開最晚葉繁而蕊香俗呼爲素花魁固不如舊名雪素之雅稱今仍易之

金星雪浪

白花黃萼互相照映花頭起樓黃蕊散布常以此

亂黃絨鋪錦

池塘曉月

胎蕊細長而黃枝上葉亦帶微黃花色似黃而白亦白花中之異者予名之曰晚西月

黑者三種

烟籠紫玉盤

高聳起樓明如點漆如松菴烟卽昔人所謂油紅最爲異色

黑葵

曹州牡丹記
朱胎碧莖大瓣平頭花同烟籠紫玉盤又有卽墨
子者亦其種

墨灑金

一名墨紫映金

胎綠而淺枝上葉碧而細花頭似墨翦絨花瓣每
有金星掩映單葉者亦然第枝上葉色黃此其所
異

花間色

計二十二種

粉者十一種

獨占先春

紅胎多葉花大如盃瓣三寸許黃蕊檀心易開最
早疑諸譜以爲一百五者卽其種但彼云白花此
粉色耳

粉黛生春

質視獨占先春花頭稍緊滿日午豔生類銀紅犯
開期最後

三奇

紅胎三稜紫莖圓葉粉花柔膩異常

醉西施

曹州牡丹詩
八
粉白中生紅暈狀如醜顏俗以暈圓如珠名爲斗
珠光

醉楊妃

胎體圓綠花房倒綴葢莖弱不勝扶持也故以醉
志之其花萼間生五六大葉潤三寸許圍擁周匝
質本白而間以藕色薛史載有方氏嘗以此花子
種出者名醉玉環品以楊妃爲玉環之母以辭害
義者矣

絳紗籠玉

肉紅圓胎枝秀長花平頭易開質本白而內含淺
紺外則隱有紫氣籠之昔人謂如秋水浴洛神名
曰秋水妝者是也品最貴

淡藕絲

一名臙脂界粉 一名紅絲界玉

綠胎紫莖花如吳中所染藕色花瓣中擘一畫紅
絲片片皆同舊品中有桃紅線者卽此種

劉師閣

俗名雅淡妝

千葉白花帶微紅無檀心周記謂出長安劉氏尼
之閣下因此得名瑩白溫潤如美人肌然不常開

率二三年乃一見花或作劉師哥誤

慶雲仙

一名睡鶴仙

綠胎修莖花面盈尺花心出二葉丰致灑然

錦幃芙蓉

大千葉花也無碎瓣花色如木芙蓉蕊抽淺碧清
致宜人

一捻紅

多葉淺紅葉杪深紅一點如指捻痕舊傳楊妃勻
面餘脂印花上明歲花開片片有指印紅迹故名

紫者六種

魏紫

紫胎肥莖枝上葉深綠而大花紫紅乃周記所載
都勝記曰豈魏花寓於紫花本者其子變而爲都
勝耶蓋錢思公稱爲花之后者干葉肉紅略有粉
梢則魏花非紫花也

紫金荷

莖挺出花大而平如荷葉狀開時側立翩然紫赤

色黃蕊

西紫 一名萍實焰

此花深紫中含黃蕊樹本枯燥如古鐵色每至九月胎芽紅潤真不異珊瑚枝

朝天紫 一名紫衣冠羣

花晚開色正紫楊升菴詞品謂如金紫大夫之服色故名後人以名曲今以紫作子非

紫玉盤

淡紅胎短莖花齊如截即左花也亦謂之平頭紫

紫雲芳 一名紫雲仙

千葉樓子紫色深迴髣髴烟籠易開耐久第香欠

清耳

綠者五種

豆綠

碧胎修莖花大葉千葉層起樓異品也蓋八豔妝之一薛史謂八豔妝者八種花有雲秀洛妃堯英等名出自亳州鄧氏按曹州花多移自亳

萼綠華

一名鸚羽綠一名綠蝴蝶

胎莖俱同豆綠千葉大瓣起樓羣花卸後始開

奇綠

此花初開瓣與蕊俱作深紅色開盛則瓣變爲淺綠而蕊紅愈鮮亦花之異者

瑞蘭

胎莖花葉俱清淺似蘭當爲逸品然自來賞之者稀何也

嬌容三變

初開色綠開盛淡紅開久大白薛史謂初紫繼紅落乃深紅故曰嬌容三變歐記中有添色疑卽此

是按乃袁石公記爲芙蓉三變者目爲嬌容誤矣
昔冀王宮花品宋景祐滄州觀察使記花凡五十
種以潛溪緋平頭紫居正一品分爲三等九品又
滎陽張岫撰花譜二卷以花有千葉多葉之不同
創例分類凡千葉五十八種多葉六十三種蓋皆
博備精究者之所爲予病未能也特分正色間色
正色黃爲中央首列之次青紅白黑間色粉紫綠
三種又次於後凡五十六種云

附記七則

秋社後重陽以前將單葉花本如指大者離地二三寸許斜削一半取千葉花新旺嫩條亦斜削一半貼於單葉花本削處壅以軟土罩以翦葉不令見風日唯南向留一小戶以達氣至春乃去其覆或斲小栽子洛人所謂山篋子治地爲畦塍種之亦至秋乃接則皆化爲千葉此接法之繁其族者也有用椿樹高五七尺或丈餘者接之可平樓檻唐人謂樓子牡丹者此則不患非高花此接法之助其長者也又立春

若是子日茄根上亦可接不出一月花卽爛熳蓋試有成效泐有成書洛陽風俗記曰洛人家家有花而少大樹蓋其不接則不佳也曹州亦然凡蓄花者任其自長年長纔二三寸種異者不能以寸雖十年所樹立地不足四尺過此老而不復花又芟其枝矣當花盛時千葉起樓開頭幾盈七八寸如矮人戴高冠了不相稱

移花或曰宜秋分後如天氣尙熱或遇陰雨九月亦可或曰中秋爲牡丹生日移栽必旺僧仲林越中花

品亦稱八月十五日爲移花日今曹州移花悉於是日始先規全根寬以掘之以漸至近戒損細根然如舊法必將宿土洗淨再用酒洗每窠用糞土白蘇拌勻又用小麥下於窠底夫然後植固不謂然提牡丹與地平使其根直以細土覆滿土與榦上舊痕平戒少高低戒勿築實然如舊法必以河水或雨水澆之過三四日再澆茲則直澆以井水不擇河與雨也舊法分花檢長成大科茂盛者一叢或七八枝或十數枝持作一把摔土去細視有根處擘開今曹州善

曹州牡丹譜 二四
分花者謂當辨老根細根老根其本根也不可孽孽則傷腐敗隨之唯細根其新生者附於本根而後孽之因就問栽法如用輕粉硫黃和黃土擦根上方植窠內蓋皆不須

牡丹根甜多引蟲食唯白蘇能殺蟲故歐記云種花必擇善地盡去舊土以細土用白蘇末和之今不聞有此豈曹州花根不甜乎抑少食根蟲乎然則舊法繁重皆難盡信矣又羣芳譜引載種花法六月中枝角微開露見黑子收置至秋分前後種之顧桉養花

之法一本發數朶者擇其小者去之留一二朶謂之打剝花纔落卽翦其枝不令結子懼其易老也花落則翦子且難結安所得子而種之明袁宏道張園看花記云主人每見人間花實卽採而歸種之二年芽始茁十五年始花特一家言耳

歐記澆花亦自有時九月旬日一澆十月十一月三日二日一澆正月隔日一澆二月一日一澆在羣芳譜謂正月一次二月三次三月五次九月三五日一次十月十一月一次或二次且曰六月暑中忌澆王

敬美云人言牡丹性瘦不喜糞此殊不然余圃中亦用糞乃佳予謂澆花如歐記羣芳譜又皆不然書院中舊有牡丹人言多年不花矣予於去夏課園丁早暮以水澆之至十月少止今春皆作花固知老圃雖小道亦有調停燥濕當其可之謂時也

曹州園戶種花如種黍粟動以頃計東郭二十里蓋連畦接畛也看花之局在三月杪顧地多風花天必有颺風欲求張飲帟幕車馬歌吹相屬多有輕雲微雨如澤國此月蓋所不能此大恨事園戶曾不解惜

花間作棚屋者無有花無論宜陰宜陽皆暴露於颺風烈日之前雖弄花一年而看花乃無五日也昔李廌游洛陽園纔過花時復爲破垣遺竈相望可勝慨乎

帝京景物略右安門外草橋土近泉居人以種花爲業冬則溫火暄之十月中卽有牡丹花今曹州花可以火烘開者三種曰胡氏紅曰何白曰紫衣冠羣放翁天彭風俗記云花戶多植花以謀利歲嘗以花餉諸臺及旁郡蠟蒂筠籃旁午於道曹州自移花日後

旁午於道者蓋亦載花車班班云

明氏實錄

新都楊學可編 大興徐松校補

夏國主姓明氏諱玉珍

朱國禎大事記明玉珍一曰旻瑞字玉珍湖廣隨

州人也

明太祖實錄隨州農家子性剛直母夢與神

遇遂娠而生珍珍長有異像身高八尺

明史明玉珍傳身長八尺

餘一目重瞳家世以農畝為業珍素有大志不屑為

也 朱國禎大事記玉珍至正辛卯兵起潁蔡開 元史

紀至正十一年五月辛亥潁川妖人劉福通為亂以

紅巾為號陷潁州六月劉福通據成皋攻破羅山真陽確山遂犯武陽葉縣等處九月劉福通陷汝甯府及息州光州衆至十萬 玉珍一日謂

鄉耆老曰元君無道天下兵起荼毒吾儕將亦不免也為之奈何耆老對曰明公平日勇略人所信畏集鄉兵屯青山量力審時大則進取小則自衛亦策之上珍曰善因部署諸鄉豪分屯要害且修柵治城有眾十餘萬眾遂推為屯長

按明太祖實錄初徐壽輝兵起蘄水玉珍與里中父老謀避兵父老曰足下素剛直能集壯勇保全鄉里眾所望也玉珍於是招集鄉人得千餘屯於青山結柵自固眾推玉珍為屯長明史明玉珍傳云徐壽輝起兵王珍與里中父老團結千餘人屯青山是玉珍之為屯長在壽輝起兵之後此獨敘於起兵之前與諸書異大事記注一曰玉珍為弓兵從倪蠻子為盜蠻子即會王辰徐壽輝兵起于蘄越癸巳冬十一月文俊也

稱號建都漢陽

元史順帝紀至正十一年八月蕪州羅田縣人徐貞一名壽輝與黃州麻

城人鄒普勝等以妖術陰謀聚眾遂舉兵為亂十月

徐壽輝據蕪水為都國號天完僭稱皇帝改元治平

明太祖實錄亦以壽輝起事在

辛卯八月此錄作壬辰癸巳異遣使招玉珍曰予起

兵舉義期靖中夏若歸共圖大事不來且先誅之珍

懼且欲保護鄉里不得已從焉

明太祖實錄壽輝攻

玉珍曰早降共富貴不來

舉兵屠之玉珍懼遂降

壽輝待以殊禮投統兵征

元史順帝紀至

虜大元帥仍領所部益兵俾鎮沔陽

正十二年正月

辛未徐壽輝兵陷沔陽府明太祖實錄壽輝俾為元帥遣守沔陽大事記授元帥隸倪文俊部下鎮沔陽

時元帥哈麻禿為患洞庭珍以兵誅之連戰湖中為

流矢中右目

明史明玉珍傳飛矢中右目遂眇七修類彙明玉珍為飛矢損右目時號明瞎

子

甲午秋沔陽水滂連年民採菜魚而食乙未春珍

領兵萬餘駕斗船五十艘至夔府哨糧

明太祖實錄丁酉春壽輝

將倪文俊陷峽州令玉珍率斗船五十艘掠糧川峽間按元史順帝紀至正十七年二月甲戌倪文俊陷

峽州丁酉即十七年此錄作乙未為十五年與諸書異

時夷陵皆屬徐國叅政

姜珏所轄珍泝流巫峽糧皆滿載蜀人亦不覺有擾

也丙申冬珍自巫峽將還先是元義兵元帥楊漢領

精兵五千屯兵西寨重慶行省右丞相完者都

譯改諤勒

哲圖齋宣招納丁酉春三月完者都與漢飲酒間殺之

圖有漢眾漢將士謀復讎不克憤怒擄船下流至是

遇珍投焉且訴其由

明太祖實錄時元四川行省右丞完者都左丞哈麻禿募兵重

慶義兵元帥楊漢聞之率兵五千自西平寨至重慶屯兵江北單騎入謁完者都完者都欲圖其兵置酒飲酣欲殺之漢覺脫身走歸營將士皆怒遂放船下峽遇玉珍訴其故因言重慶城中

止有左丞哈麻禿右丞完者都別無重兵厚貯况二

人懷異甚不相得請儘力攻之全蜀可圖也

明太祖實錄且

言重慶城中兵寡弱哈麻禿與完者都二人不相能若回船出其不意攻之取重慶如反掌耳珍猶豫未決萬戶戴壽進曰明公修兵沔陽為民也哨糧

于蜀亦為民也不若發糧什之三回沔以濟荒存其

餘同漢兵以取重慶事濟則有為否則掠其財物而

歸何損也且此兵之出窺隴蜀據上游保荆襄開糧

道一舉三得幸勿他慮珍從之明太祖實錄戴壽曰此機不可失宜以船

半載糧還沔陽半與漢兵攻重慶事濟則濟否則掠財物而歸亦何損哉玉珍從之遂率兵至重慶明史

明玉珍傳作可分船為二半貯糧歸沔陽半因漢兵攻重慶是時蜀中承平日久

俄見兵船遠近騷動明太祖實錄忽斗船大集人民騷動完者都率所

部夜遁生擒哈麻禿明太祖實錄完者都率部下走入城

據之重慶城中父老焚香拜迎道左珍禁止侵掠秋

毫無犯由是四外投降絡繹明太祖實錄作即遣使

旁近降者日眾

解送哈麻禿等并捷報至徐國丁酉秋徐授珍以隴

蜀省右丞

明太祖實錄丁酉十二月丙戌徐壽輝將明玉珍據重慶路元史順帝紀至正十七

年十二月倪文俊陷川蜀諸郡命偽元帥明玉珍守據之

戊戌春二月完者都自

果州來會蜀省平章郎革歹

明史明玉珍傳作郎革歹叅政趙資

率兵屯嘉定州謀取重慶

明太祖實錄完者都復自果州率兵至嘉定屯於大

佛寺謀復重慶

珍調義弟明三

明史明玉珍傳萬勝黃陂人有智勇玉珍寵愛之使從已

姓眾呼為明二後乃復姓名明太祖實錄大事記亦作明二按明二為元所擒當以此錄作明三為是

泝流圍攻嘉定未克

明太祖實錄玉珍遣其義弟明二領兵禦之又密遣猛士夜眼

陳劫烏牛山寨擣嘉定城皆破之惟大佛寺寨相持久不克

相守半載珍兵駐瀘

州宣使劉澤民

明太祖實錄作部將劉澤民

曰此間元進士劉楨

明太祖實錄劉楨瀘州人元進士為大名路經歷罷官歸家

字維周者有文章能

政事歷仕大名路經歷因青巾李喜入蜀大肆殺戮

隱居方山曷往見焉珍曰可與俱來澤民曰此人可

就見不能招也翌日珍往見之與語喜曰吾得一孔

明也邀至舟中與論國事拜為理問己亥遣使進貢

於徐國珍親領兵至嘉定圍之令明三率銳兵直趨

成都時平章買奴叅政韓叔亨為青城賊所執城中

窘迫惟都事薛元理署省事守城兵皆新募者一聞

明兵至大驚潰明三領兵徑入省中虜郅革夕趙資妻
子順流而歸郅革夕妻謂舟中人曰吾家祖宗三世
受羊皮宣命吾爲平章夫人義不受辱自投于江明
三以趙資妻見珍珍待以禮曰執政乃吾中國人何
故反爲虜守戰夫人能招叅政使降當裂土以贈異
日兩軍會戰珍驅資妻子臨陣謂資曰妾與鎖兒受
檢于此明公甚以禮待叅政念結髮之情救子母之
命言旣號泣兩軍觀者淚下資駐馬執弓厲聲曰痴
婦不死何待乃引弓發矢中其胸臆之上珍揮兵勇

進左右劫襲元兵大潰遂生擒完者都郎革夕趙資

至重慶戮于大十字街以禮葬之明史明玉珍傳城破執趙資及完者

都郎革夕歸於重慶館諸治平寺欲使為已用三人者執不可乃斬於市以禮葬之蜀人謂之三忠明太

祖實錄自是蜀中郡縣相繼下玉珍盡有川蜀之地已亥秋遣使貢於壽輝元史順帝紀至正二十一年

五月癸丑四川明玉珍陷嘉定等路李思齊遣兵擊敗之按玉珍得川蜀在壽輝未死以前二十一年為

辛丑壽輝已死且又為元兵所敗元紀所書恐非事實庚子春陳友諒殺徐主

壽輝自立為帝元史順帝紀至正二十年四月陳友諒殺其偽主徐壽輝于太平路明太

祖實錄亦作庚子夏珍曰友諒倪文俊在徐國同為臣子今弒

逆其主余當討之明太祖實錄玉珍曰吾與友諒同事徐氏今友諒殺主自立當整兵

討之明史明玉珍傳玉珍曰與友諒俱臣徐氏顧悖
逆如此七修類藁陳友諒復矯徐命使玉珍會兵建
康明憤陳之逆殺怒曰汝能為帝
遂令莫仁壽領兵
我不能邪遂據全蜀不與陳通

守夔明太祖實錄作守夔關明史不與相通立徐廟

于城南春秋奉祀明史明玉珍傳立壽輝眾推尊玉

珍為隴蜀王元史順帝紀至正二十二年三月甲寅

西行省參知政事徹爾特穆爾等擊敗之檢玉珍弟

明二五月辛未明玉珍據成都自稱隴蜀王遣偽將

楊尙書守重慶分兵寇龍州青州犯興元鞏昌等路
按至正二十二年為壬寅此錄繫于庚子則至正二
十年也明史明玉珍因下令曰元運已去中國豪傑
傳自立為隴蜀王

並起而逐之予本鄉農因亂為眾所推始為自保豈

敢圖人邇者義兵一起群醜底甯湖湘向化顧茲蜀地久被青巾之亂莫有爲之翦除者予奉天誅罪豈能自安已經殄滅凶徒幸爾坐收全蜀是乃天意夫豈人謀方今圖爲畫一之規與民共享太平之治誠恐百姓不知以予爲爭地殺人之師非弔民伐罪之舉予取爾蜀于青巾之手非取諸元爾輩亦當復見中華文明之化亦不可安于元代之陋習也更宜洗心從治慎勿取惡招尤辛丑夏四月拜劉楨爲王國叅謀朝夕侍講書史裁決政事楨一日屏人從容說

珍曰西蜀形勝雖小沃野千里北有劍門可以窺隴

右東有夔塘可以達江左今民遭青巾之苦幸獲扶

養頗得蘇息人心之歸天命可知他日大事可舉也

此時若不稱大號以繫人心軍士俱四方之人思其

鄉土而去明君雖自保全蜀尙難况欲取天下乎珍

弗聽明太祖實錄劉楨嘗說王珍曰今天下大亂中原無主西蜀形勝之地東有瞿塘北有劍門沃

野千里所謂天府之國大王撫而有之除去盜賊養其傷殘之民用賢治兵可以立業於此之時不稱大

號以繫人心部下將士皆四方之人恐思其鄉土各散而去大王誰與建國乎玉珍善之明日劉

楨又言戴壽張文炳力贊之聲息已彰于外說服者

多珍不得已咨謀于眾從焉元史順帝紀至正二十一年五月癸丑四川明

玉珍陷嘉定等路壬戌四川賊兵陷東壬寅春三月

川郡按二十一年為辛丑是亦此年事

戊辰元史順帝紀至正二十三年正月壬寅朔四川明玉珍僭稱皇帝按壬寅為至正二十二年元

史作二十三年是以為癸卯年事明太祖實錄壬寅春三月己酉玉珍稱帝明史明玉珍傳亦云以二十二年春僭即皇帝位於重慶祭告天地即皇帝位建都重慶國號

大夏改元天統詔曰天生斯民必立司牧夏商周之

迭運漢唐宋之繼統其來遠矣迄于元主倫理以之

晦冥人物為之消滅咸云天數敢為人謀邇者子孫

失道運祚衰微上天有命示厭棄之機豪傑垂時興

驅逐之策惟我家國肇跡湖湘志欲除暴救民聊爾
建邦啟土成湯七十里盛德已振于三巴歷數八百
年神功終收于一統上承天命下順民心謹以壬寅
年三月初二日祭告天地祖宗及歷代帝王卽皇帝
位國號曰大夏其以今年爲天統元年嗚呼恭行天
伐革彼左衽之卑汙昭顯茂功成我文明之大治尙
賴遠邇豪傑勿吝嘉謀庶幾大小臣工協登偉績元
年立郊社祭以春秋追帝其四代立廟祭以四時分
蜀地爲八道行周制

明史明玉珍傳作倣周制
明太祖實錄作倣周制

設六

卿拜戴壽為冢宰明三復姓名萬勝為司馬張文炳

為司空尙大亨明史明太祖實錄皆作向大亨莫仁壽為司寇吳友

仁鄒興為司徒劉楨為宗伯置翰林院拜牟圖南為

丞相明太祖實錄作牟圖南為承旨按明史明史天

章為學士立明昇為皇太子明史明玉珍傳立妻彭氏為皇后子昇為太子

朝夕受學焉內設國子監教公卿子弟外設提舉司

教授所教養郡縣生徒府置官曰刺史州置官曰太

守縣置官曰縣令明太祖實錄作曰令尹去釋老二教並彌勒

堂明太祖實錄作去釋始定賦稅明太祖實錄以十

老教而專奉彌勒法為此年夏時

取其一夫家無力役之征立進士科

明史明玉珍傳
建社稷宗廟求

雅樂開進士科定賦稅以十分取一

八道鄉試明史

蜀人悉便安之皆劉楨為之謀也

珍傳分蜀地為八道

充貢有司次年會試宗伯廷試分立及第

出身

大事記開廷試賜董重璧等及第出身有差

置雅樂

明太祖實錄作置雅樂供郊社

祭之置奉天征北大將軍府於漢中以進取陝右置奉

天征蠻大將軍府于夷陵以進取友諒秋廷試進士

賜董璧等八人及第餘出身有差冬命萬勝領兵出

漢中攻刺踏坎侯

明太祖實錄作次刺踏坎侯

普顏達失平章走

獲其人馬萬口天統二年癸卯春命萬勝領兵十一

萬攻雲南由界首入司寇鄒興由建昌入指揮芝麻

李由甯番

明史及太祖實錄皆作八番

入明太祖實錄曰三道二並進勝兵不滿萬人

月初八抵雲南屯兵金馬山鄒李皆不至梁王孛羅

雲南省廉訪司官先二日已走

明太祖實錄甲辰春三月勝兵至雲南元

梁王孛羅帖木兒及行省廉訪司官棄城退保金馬山勝入城據之夏四月勝引兵還重慶勝兵之入雲南也鄒興芝麻李尙未至梁王孛羅帖木兒不意勝兵奄及故棄城遁及梁王之赴大都率兵出偵獲勝部將姬安禮問勝兵幾何曰八千於是大都會大理段平章兵擊勝殺傷者過半勝以孤軍深人約兵未至而戰士多中傷難以久駐遂引兵還所過暴掠為民患玉珍不能制今此錄不載蓋恥其敗也惟明太祖實錄以為此甲辰年事元史又以為壬寅年事元紀云三月甲寅四川明玉珍陷雲南省治屯金馬

山陝西行省叅知政事徹爾特穆爾等擊敗之擒明
玉珍弟明二此錄亦不言明二被擒意在鋪張故以
敗衄爲諱也勝遣使四方告諭招安繼日齎宣牌面納降

降者不可枚舉卽遣侍中楊源進表解象以聞其表
曰聖德孔昭誕受維新之命王師所至宜無不服之
邦大軍旣發於三巴踰月遂平于六詔窮民交賀遠
近同歡恭惟皇上陛下智勇如湯文明協舜深慨中
華之貴反爲左袵之流矧在位之貪殘致生民之困
悴恭行天罰遂平定於多方禮順人情卽進登于五
位睠茲南詔鄰彼西戎藩公挾便宜行事之文專任

儉人恣行饕餮郡守無惻怛愛民之意肆爲虐政害
彼黔黎下詔揚庭出師討罪初臨烏撒蠻酋納款以
供輸繼次馬隆敵衆望風而奔潰遂由驛路直入滇
池士民冒雨以爭降官吏叩頭而請罪一毫不犯萬
里皆安勝等愧以庸才欽承威命凡此大勳之集甚
非小器之能皆聖人大庇之洪休抑諸將効勞之忠
力也深入不毛臣愧偶同于諸葛誕敷文命帝德

齊于有虞

原注此文乃
鄒興撰也

吳王始遣都司孫養浩

明史
明玉

珍傳作都
事孫養浩

來結好書曰吳王奉書夏國皇帝間者得

姜珽誥命觀其文義安貼辛卯歲兵起蔡穎有陳友諒恃其土地之廣甲兵之強一旦迫區區之境不得

已而應之三年遂決胡人本處沙塞今反居中原是

寇履倒置足下應時而起居國上流區區有長江之

險相為唇齒協心同力并復中原事定之日各守疆

土時遣使通好惟足下圖之明史明玉珍傳太祖遣孫養浩聘遺玉珍書曰

足下處西蜀予處江左蓋與漢季孫劉相類近者王

保保以鐵騎勁兵虎踞中原其志殆不在曹操下有

謀臣如依或猛將如遼卻予兩人能高枕無憂乎予

與足下實唇齒邦願以孫劉相吞噬為鑒按傳與

此錄所載之書絕不相類考本傳云自後信使往是

返不絕蓋明祖與玉珍致書非一故傳錄互載也

年秋遣參議江嚴

明太祖實錄作乙巳秋參政江儼入貢明史明玉珍傳又以江儼通

好於太祖太祖遣孫養浩報之

大事記遣江儼來

通好且獻良馬按玉珍既於癸卯年奉表則江嚴之來不應至乙巳年也

荅書其書曰夏國皇帝奉書吳王足下

邇者元運告衰中原氣盛天必降生豪傑以為生民

主是乃天意之有在也第以中原人物解此者少尙

為彼用殊為可惡足下應運而興目視赤子之塗炭

想亦不忍區區人馬二十萬北出漢中東下荆楚期

靖殘虜以安黎庶特遣使奉復通好不敢後約惟高

明亮之

冬元史本紀癸卯十月甲辰湖廣偽姚平章張知院陰遣人言於庫庫特穆爾設計擒殺

偽漢主陳理及偽夏主明玉珍不果威順王普顏遣平章明太祖實錄作達失平章

領兵由雲南偷行小逕入陝西丞相戴壽追襲至秦

州弗獲而還三年甲辰按玉珍於壬寅歲僭號甲辰為天統三年乙巳為天統四

年原本繫此二年於明昇誤今改正命萬勝領兵攻興元城不克而還

巴州叛命司寇鄒興克之留官軍鎮守四年乙巳春

更六卿為中書省樞密院戴壽為左丞相萬勝為右

丞相尙大亨張文炳為知院鄒興為平章俾鎮成都

吳友仁為平章俾鎮保甯莫仁壽為平章俾鎮夔關

鄧元帥明太祖實錄作鄧元亨為平章俾鎮通江明太祖實錄作通州

寶英明太祖實錄作寶英為叅政俾鎮播州荆玉為宣慰俾鎮

永甯商希孟為宣慰俾鎮黔南冬徐國叅政姜珏來

朝仍令守夷陵就彼屯種置倉以贍軍用是月原本繫是

月癸卯年蓋中間脫去三年四年事今依明太祖實錄改正全蜀星殞如雨丙午

春明太祖實錄作春正月夏主不豫召臣下諭之曰中原未平

予志不能遂也此殆天意今西蜀險塞予沒後汝等

同心協力但可自守慎勿妄窺中原亦不可與各鄰

國構隙明太祖實錄玉珍有疾召其臣僚諭曰西蜀險塞爾等同心協力以輔嗣子可以自安不

然後事非吾所知汝等勉之言畢遂殞陸深平胡錄丙午在位五

年七修類藁作居位六年按玉珍於壬寅年稱隴

蜀王卒於丙午凡五年類藁誤類藁又云玉珍為

弟所殺妻復圖殺其弟立壽三十六葬江北永昌陵

其子為小明主與諸書異明太祖實錄葬

于江水之北羣臣尊上廟號曰太祖文武至聖皇

帝遺詔太子即位遣使報訃于吳及各國兼致遺物

吳王遣使來弔祭又遣使來送葬史官方孝孺贊

曰夏主方有意于據蜀蜀方遭青巾之虐百無一二

夏主幸至躬行儉約興文教辟異端禁侵掠薄稅斂

一方咸賴小康焉惜不能謹之于始私家倍于公室

焉不能文詞閒盡其賢也

明太祖實錄王珍爲人頗尚節儉好文學蜀人經李

喜殘暴之餘賴以粗安然喜自用昧於遠略而嗣子暗弱政出多門國事日去矣明史明玉珍傳玉珍素

無遠略然性節儉頗好折節下士

丙午夏太子昇卽皇帝位年十

歲尊母彭氏爲皇太后垂簾聽政立妃王氏爲皇后

改元開熙詔曰皇天眷命篤生我太祖皇帝恭行弔

伐創業開基期靖中原以登至治顧大業未就龍馭

上升舉國臣民攀號莫及予小子哀疚方殷而臣民

以嗣位爲請謂神器難以久虛國家不可無主懇請

再三辭避無術謹於四月初一日祇告天地祖宗卽

皇帝位予穉年涼德忝任君師惟敬天以勤民在脩
身而法祖纘承烈緒廣鴻業以無疆誕敷武文祈天
命于有永尙賴臣工協志同濟時艱補缺拾遺匡予

不逮其以明年爲開熙元年除舊布新與民更始仍

遣使詣吳及諸國告卽位明太祖實錄丙午夏四月
癸丑夏主昇遣其學士虞

某來聘明史明玉珍傳昇遣使告哀于太祖已又遣
使入聘太祖亦遣侍御史蔡哲報之明太祖實錄玉

珍死子昇立遣使入貢丙午命哲報聘
因挾畫史同往圖其山川險易以獻二月辟鳳山

趙善璞爲翰林學士不就退隱于樂殞山中所著有

陶真集正誼稿行于世自述一歌曰錦里棲遲處飄

然遠俗囂地偏車馬少山近市廛遙謝事惟求避居
官懶折腰讀書明至道忘味學遺韶對坐花千點充
飢水一瓢放情隨灑落得句自推敲種菊開三徑橫
吟詠九皋唐虞今在上許我學由巢夏四月梁王傳
官大都領兵來攻城萬勝領兵回哨且孤軍深入大
理約兵又不至戰士又多中傷于是留建水元帥府
千戶聶瑾等領八千人與大都拒守同馬引兵還九
月表韓氏女爲貞烈明太祖實錄初保甯城中有韓
氏女年十七歲遭明氏兵亂慮
爲所掠乃僞爲男子服混處民間旣而果被擄居兵
伍中七年人莫知其女子也後從玉珍兵掠雲南還

避迥其叔父贖之歸成都以適尹氏同時已酉辟劉從軍者皆驚異成都人稱爲韓貞女云

湛爲仁壽縣教授湛學行優裕造就人才陞爲國子

監祭酒吳王遣使賀卽位丞相萬勝與知院張文炳

有隙密遣人殺之內府舍人明昭等復矯后旨明史

珍傳文炳所善玉珍養子明昭復矯彭氏旨召勝入縊殺于崇文樓下明史

明玉珍傳勝于明氏功最多其死蜀人多憐之拜劉楨爲右丞相楊學可

曰丞相萬勝者德安府黃陂縣人也年當壯歲智勇

過人夏主寵愛之妻以弟婦故稱爲明三數歲總兵

征討信賞必罰士卒樂從所向克敵開國之功良多

及夏主賓天主幼母后臨朝小人間謀張萬自相屠戮而非有罪誅不及五載而國遂亡是自取之也

秋廷試進士賜龐百里等六人及第餘出身有差幼主吟桂花詩賜諸進士詩曰萬物凋殘我獨芳花金心粟帶微黃莫言些小難堪玩露冷風清大地香命丞相戴壽領兵攻烏撒不克而還元年丁未保甯鎮守平章吳友仁移文于郡縣曰

明史明玉珍傳吳友仁自保甯移檄以清

君側為名

昔與夏主自沔陽而至重慶共樹奇勳開邦啟

土今者矯旨殺戮功臣我輩甯能自保乎遂據城謀

叛遣使與陝西李思齊張良弼通幼主數調兵誅伐

皆敗而還

明太祖實錄是年十一月乙亥夏主明昇遣使者鄧良叟來聘

二年戊申

大明皇帝來告卽位

明太祖實錄正月乙亥卽皇帝位建元洪武蓋戊申春也

平章鄒敬奉書往賀四月丞相戴壽總兵八萬征吳

友仁友仁入城自守謂壽曰不須用兵可遣叅政文

彥彬來卽投降是日遂遣彥彬入城友仁與彥彬約

丞相可設策將義子明昭等誅之不然必爲所害壽

回奏事因朝會設計拴明昭等盡誅之友仁同彥彬

至重慶請罪謝恩

明史明玉珍傳昇命戴壽討之友仁遺壽書謂不誅昭則國必不安

衆必不服昭朝誅吾當夕至壽乃奏誅昭友仁入朝
謝罪于是諸大臣用事而友仁尤專恣國柄旁落遂
益不振明太祖實錄十月夏主明昇聞王師克元
都遣使來賀十二月遣使以書諭夏主明昇曰今秋
大將軍平元都遠勞使者來賀惟彼胡元以昏淫之
主任世祿之將昧綱常而無節義耽寶貨而戀聲色
天命既去克之不難理固然也其將士保擁兵十
萬步卒倍之中原之將莫強焉既不能盡節以事其
君又不能順天以全其民是又不可不討十一月大
將軍移師自真定出井陘直抵太原與之決戰大破
其衆獲其將校步騎王保保僅與十八騎脫身遁去
我兵追之俟還當知其存沒也今晉冀之地悉入版
圖天下之亂十平其九故報書致足下知之朕昔以
令先公起事老成又能通使修好以安生靈豈期令
先公遽爾長逝失吾同好之人朕思之不覺淚下霑
襟足下以幼冲之年處新造之國凜乎若朽索之馭
奔馬朕感念先好安得不爲足下慮哉自喪亂來幾
二十年今人心思治正孟軻氏所謂定于一之時也

足下舊臣念令先公平日相與之恩竭力推誠奉足
下甚至然度德量力審機識變在足下自處何如耳
誠能日延群臣問以安靖生靈之道老成練達之士
有能籌至善之計者擇而行之是竇融錢俶復見於
今日也承平之福當共享
三年大明遣使求木植明史
之書不盡言足下其圖之
明玉珍傳太祖遣使求大木昇遂獻方物帝荅以璽
書明太祖實錄洪武二年六月明昇使還上賜璽書
荅之曰朕歷觀古之有蜀者如公孫述劉備李特王
建孟知祥輩皆能乘機進取而善守之道未聞今足
下監此必圖所以善守可也朕連年出師所向克捷
皆諸將用命故能成功遠勞致禮益見厚意因使者
還姑以
丞相戴壽不與秋丞相劉楨卒禎元進士精
此復

于易數導明主修道盡逐胡元以安中夏詔令多所

代製人比之孔子云

明太祖實錄洪武二年十月遣湖廣行省平章楊璟詔諭明昇

環至蜀諭昇以禍福使奉國入覲昇牽於羣議不能
決環還復以書曉之曰環聞古之有國者同力度德
同德度義義不足不敢抗德不及則歸順故能保身
家于兩全流名譽于無窮福及子孫族姓長久反是
者往往取敗今足下以幼沖之資襲先人之業據有
巴蜀黠然在位不咨至計而聽羣下之議以爲瞿塘
劍閣之險一夫負戈萬人無如之何此皆不達時變
以誤足下何則昔之據蜀最盛莫如劉備諸葛孔明
佐之訓練士卒財用不足取之南蠻然猶朝不謀夕
僅能自保今足下疆場南不過播州北不及漢中以
此準彼相去萬萬而欲以斗絕一隅之地延頃刻之
命可謂智乎若謂險阻可恃則三苗之墟不滅有扈
之國不亡蠶叢魚鳧之鄉不至足下矣我主上仁明
神武遣將用兵天下無敵運謀出奇神明響應順附
者無不加恩負固者然後致討以足下先人通好之
故不忍加師數遣使諭意又以足下年幼未歷事變
恐惑於狂瞽之說失遠大之利故復遣環面諭禍福
深仁厚德所以待明氏者不淺足下可不深念之乎

且向者亂雄如陳友諒張士誠竊據吳楚造舟塞江
河積糧過山岳強將勁兵自謂莫敵然鄱陽一戰友
諒授首旋師東討張氏面縛此非人力實天命有在
也足下視此以爲何如友諒之子竄歸江夏王師致
伐勢窮出降主上宥其罪愆封以侯爵恩榮之盛天
下所知足下無彼之過而能幡然覺悟獨斷于心自
求多福則必享茅土之封保先人之祀世世不絕豈
不賢智矣哉若必欲倔強一隅假息頃刻魚遊于沸
鼎之中燕巢于危幕之上禍害將至恬不自知環恐
天兵一臨勢不可禦前日足下之臣爲足下謀者或
以郡獻或以城降各自爲身計以取富貴當此之時
老母弱子將安所歸乎縱足下年幼未曉語及老母
獨不痛心於此乎禍福利害瞭然可觀逆順之圖在
足下審之而已昇不能從十二月戊辰平章楊璟自
蜀使還言明昇闇弱將佐皆庸材昧於遠略喻之再
四終不悟不如舉兵取之上曰兵之所加必貴有名
無釁而加兵仁者不爲也西蜀之地彼亦安能久據
但朕意俟其悔悟來歸則師可不勞民亦無苦也姑

之緩四年大明遣使借路攻雲南丞相戴壽不允明史

珍傳興元守將以城降吳友仁數往攻之不克是歲太祖遣使假道征雲南昇不奉詔秋再遣

叅政蔡來兼致禮物又不允明夏竟絕和好大事記

三年五月大將軍自將取興元又遣裨將金興旺張龍由鳳翔入連雲棧合兵進攻守將劉思忠出降即

以興旺龍守之其將吳友仁寇興元擊敗之明日復來攻守兵纔三千人蜀兵三萬固守發礮石敵多死

傷大將軍得報還屯益門鎮先遣傳將軍來援乃冬遁上曰此所謂自作孽不可追也用兵今有名矣冬

大明命湯和為征西將軍平章廖永忠副之明太祖實錄洪

武四年正月上親祀上下神祇告伐明昇命中山侯湯和為征西將軍江夏侯周德興為左副將軍德慶

侯廖永忠為右副將軍暨營陽侯楊璟都督僉事葉昇率京衛荆襄舟師由瞿塘趨重慶潁川侯傅友德

爲征虜前將軍濟甯侯顧時爲左副將軍暨都督僉
事何文輝等率河南陝西步騎由秦隴趨成都上諭
和等曰今天下大定四海奠安惟川蜀未平耳朕以
明玉珍嘗遣使修好存事大之禮故於明昇憫其稚
弱不忍加兵遣使數加開諭冀其覺悟昇乃惑於羣
言反以兵犯吾興元雖敗而去然豺狼之心終懷
嚙噬不可不討今命卿等率水陸之師分道並進首
尾攻之使彼疲于奔命勢必當克但師行之際在肅
士伍嚴紀律以懷降附無肆殺掠昔王全斌之事可
以爲戒卿等慎之平蜀記以爲正月丁亥事明史明
玉珍傳亦云四年正月是在辛亥春
無疑而此錄繫于庚戌冬未知所據

攻夔關戴丞相

向知院峽中設天橋備預船至以木頭撞下輒碎竟

不得上屢戰不勝退兵峽外明太祖實錄洪武四年閏三月平章楊璟率師

進次夔州大溪口先是蜀人自謂瞿塘天險遣其平
章莫友仁守之以鐵索橫斷關口又聞王師臨境又

遣左丞相戴壽平章鄒興副樞飛天張益兵爲固守
計壽等於鐵索外北倚羊角山南倚南城寨鑿兩崖
壁引纜爲飛橋三平以木板置礮石木竿鐵銃其上
傍橋兩岸復置礮以拒我師於是璟遣指揮韋權率
兵出赤甲山以逼夔州指揮李某出白鹽山下逼夔
州南岸以攻南城寨璟與都督僉事王簡出大溪口
進攻瞿塘阨江之衆璟戰不利於是赤甲白鹽之師
亦退還州明玉珍傳初戴壽言於昇曰以王保保李
思齊之強猶莫能與明抗况吾蜀乎一旦有警計安
出友仁曰不然吾蜀襟山帶江非中原比莫若外交
好而內修備昇以爲然遣莫仁壽以鐵索橫斷瞿塘
峽口至是又遣壽友仁鄒興等益兵爲助北倚羊角
山南倚南城寨鑿兩岸石壁引鐵索爲飛橋用木板
置礮以拒敵湯和軍至不能進重慶城中
每虛驚禁不能止五年辛亥春大明總兵潁川侯傅
友德帥兵十萬路從階文攀緣山谷晝夜兼行蜀將

平章丁世珍率眾來拒友德擊敗之生擒其將雙刀

王等十八人遂克階州

明太祖實錄洪武四年四月

友德陞辭上密諭之曰蜀人聞吾西伐必悉其精銳東守瞿塘北阻金牛以拒我師彼必謂地險而吾兵難至若出其不意直搗階文門戶既隳則腹心自潰兵貴神速但患爾等不勇耳友德受命馳至陝西集諸道兵揚言出金牛而潛使人覘知青川果陽空虛階文雖有兵壘而守備單弱于是引兵趨陳倉選精兵五千為前鋒攀緣山谷晝夜兼行大軍繼之直抵階州蜀守將平章丁世珍率眾來拒友德擊敗之生擒其將雙刀王等十八人世珍遁走遂克階州中山侯湯和師克歸州李逢春烽火山寨分遣南雄侯趙庸宣甯侯曹良臣帥兵取桑植容美洞及會江夏侯周興合攻茅岡覃垕寨庸至中途而還獨良臣會德興攻諸山寨平之

和仍駐師歸州

蜀人斷白龍江以阻師友德修橋

以渡奮兵急攻

明太祖實錄穎川侯傅友德兵至文州距城三十里蜀人斷白龍江橋以

阻我師友德督兵修橋以渡至五里關蜀平章丁世真等復集兵據險都督同知汪興祖躍馬直前中飛

石死友德怒奮兵急攻破之世真僅以數騎遁去遂拔文州拔果陽白水江蜀人

不戰驚遁友仁遣人諭降之俾各還本業

明太祖實錄洪武四

年四月庚寅上以湯和傅友德等出師伐蜀已逾三月未得捷報復命永嘉侯朱亮祖為征虜右副將軍

率兵往助之癸巳穎川侯傅友德兵渡青川果陽白水江會都督僉事王成亦領兵至蜀人望風驚遁友

德遣人諭降之俾各還本業留鞏昌衛指揮潘某守之遂引兵趨隆州辛丑傅友德兵克隆州兵趨

綿州明太祖實錄洪武四年四月癸卯傅友德兵徇下江油彰明二縣遂趨綿州將至友德乃選精

銳鼓行而前別遣都督僉事藍玉夜襲其壘蜀守將向大亨軍驚擾達旦友德麾兵乘之俄大風起諸將

順風縱擊蜀兵大敗遂克綿州龍驤衛指揮史鑑戰死大亨走保漢州乙巳置文州漢番千戶所以王均諒爲副千戶先是均諒爲漢番千戶受夏主命攝禮店元帥至是來朝貢馬因授以職使還戍其地至漢江進取漢州平蜀記五月湯和兵進攻瞿塘關以江水暴漲駐兵大溪口是月傅友德兵亦至漢江水大不得渡乃令軍士造戰船百餘艘時蜀人雖失階文猶恃漢水自固及聞我師造舟進攻益友德欲以軍中消息達湯和適江水暴漲乃以震恐木牌數千書克階文綿州日月投漢江順流而下重慶守者見之爲之解體先是夏戴壽等聞階文不守遂留鄒平章守夔關引兵救成都至是屢與傅總兵戰大敗入城堅壁自守傅圍兵圍之

明太祖實錄洪武四年六月顛

川侯傅友德拔漢州初夏人聞王師伐蜀命丞相戴
 壽太尉吳友仁等悉眾守瞿塘以扼三峽之險及聞
 友德破階文擣江油壽等乃與友仁分瞿塘守兵還
 援漢州以保成都未至而友德舟師已逼漢州向大
 亨悉兵戰于城下友德選驍騎擊敗之既而壽等兵
 至友德下令諸將曰彼勞師遠來聞向大亨兵敗眾
 必洶洶一戰可克也乃親帥師迎擊壽兵大敗之遂
 拔漢州擒其招討黃龍萬戶梁士達等百餘人壽與
 大亨走成都臨江侯陳德追擊又敗之獲其卒三千
 餘人馬三百匹友仁走古城友德乃以濟甯侯顧時
 守漢州自將擊古城又大敗其眾擒殺二十餘人並
 擒宣慰湖口章等獲馬騾五百餘匹友仁自古城遁
 還保甯按大事記載傳會廖平章亦得木牌于巫
 友德拔漢州為六月壬午

峽乘虛併力攻夔關直抵重慶城下

明太祖實錄洪武四年六月丙

戍上聞湯和駐兵大溪口欲候水平進師恐其逗遛
 緩事適隆州捷至乃詔和曰傅將軍率精銳冒險深

入克階文諸州郡及青州果陽白水江之地兵旣越
險次于平川蜀人無險可恃正當水陸並進使彼首
尾受敵疲于奔命平蜀之機正在今日若候水退然
後進師豈不失機誤事且朕前日所以語爾獨不復
記憶乎何怯之甚也德慶侯廖永忠聞命率所部先
進和猶遲疑未決及得友德木牌于江流乃進兵自
白鹽山伐木開道由紙坊溪以趨夔州又云德慶侯
廖永忠兵至舊夔府先是僞夏丞相戴壽等守瞿塘
關及還兵內援乃留平章鄒興副樞飛天張守城至
是聞永忠兵至出兵拒戰永忠分軍爲前後陣前軍
旣接乃出後軍兩翼旁擊之興等大敗明日復併兵
攻之擒其元帥龔興殺溺死者甚衆辛卯德慶侯廖
永忠進兵瞿塘關永忠以山峻水急而蜀人設鐵索
飛橋橫據關口我舟不得進乃密遣壯士數百人舁
小舟踰山度關以出其上流人持糗糧帶水筒以禦
飢渴山多草木令將士皆衣青蓑衣魚貫出崖石間
人不之覺也度其已至乃率精銳出墨葉渡分爲兩
道夜五鼓以一軍擊其陸寨一軍擊其水寨將士皆

以鐵裹頭船置火器而前黎明蜀人盡銳來拒永忠
已破其陸寨矣既而將士昇舟出江者一時俱發上
流揚旗鼓譟而下蜀人出不意大駭而下流之師亦
擁舟前進發火筒火礮夾擊大破之其將鄒興中火
箭死遂焚其三橋斷其橫江鐵索捨同僉蔣達等入
十餘人斬首千餘級溺死者無算飛天張鐵頭張等
皆遁去永忠入夔州明日中山侯湯和兵亦至永忠
乃與和分道並進和率步騎永忠率舟師約會于重
慶丙申穎川侯傅友德進兵成都戊偽夏平章丁
世眞率衆寇陷文州指揮僉事朱顯忠死之顯忠從
穎川侯傅友德克文州遂留守之至是世眞誘合蕃
寇數萬來攻顯忠戰而卻之偽夏趙元帥復與世眞
合兵攻城城中食且盡外援不至部下皆曰與其陷
死地孰若出城求生路乎顯忠厲聲曰爲將守城城
存與存城亡與亡豈有求活將軍邪詰旦世眞攻圍
益急顯忠悉出兵東門拒戰而世眞復攻西門日且
暮顯忠被傷裏瘡決戰力不支城破爲亂兵所殺千
戶王均諒被執不屈蜀人磔之于文川東門偽夏守

金川九龍山寨平章愈思忠率其官屬軍民
二千三百餘人詣傅友德降獻良馬十匹
夏六月

二十一日夏丞相劉仁挾幼主并皇后彭氏齎符璽

詣軍門降

明太祖實錄已亥德慶侯廖永忠率舟師自夔州乘勝抵重慶是日次銅鑼峽明昇

與右丞劉仁等大懼仁勸昇奔成都昇母彭氏泣曰
事勢如此縱往成都不過延命旦夕何益仁曰然則
奈何彭氏曰大軍入蜀勢如破竹今城中兵民數萬
皆膽破心悸豈能効力若歐之拒守死傷必多亦終
不免也不如早降以免生靈于鋒鏑昇遂遣使詣永
忠軍全城納款永忠以湯和軍未至辭不受癸卯中
山侯湯和至重慶會德慶侯廖永忠以兵駐朝天門
外是日明昇面縛御壁與母彭氏及其右丞劉仁等
奉表詣軍門降和受壁永忠解縛承制撫慰下令將
士不得侵掠撫諭戴壽向大亨等等家令其子弟持書
下成都招諭遣指揮萬德送昇等并送降表于京師
表略曰乾坤正一統知天命之有歸日月仰大明撫

華夷之無外萬方丕昌四海同歡欽惟皇帝陛下功
 軼禹湯德侔堯舜運乾元不息之妙寰宇肅清秉神
 武不殺之權生民永賴收豪傑于紛爭之日施仁義
 於墊溺之時景運維新皇謨丕顯故無征而不克亦
 無令而不從臣昇僻處偏方情無學識既靡寶融先
 幾之智又乏錢俶達事之宜見同井蛙計窮穴兔揣
 罪實由於已敢釁用匪其人自揆愚蒙冒干天討願
 閉關之何益遂開門以來降迎拜道旁竊效子嬰之
 繫頸仰瞻天上敢希孟昶之傾心謹將軍馬錢糧府
 庫及土地人民以獻丁未征虜前將軍永嘉侯朱亮
 祖兵至 在位六年時十六歲成都兵皆被困躪藉死
 重慶

者甚眾會湯和遣其子納降友德按兵入自東門秋

毫無犯成都既平分兵徇下川蜀之未平者明太祖實錄洪

武四年七月庚申穎川侯傅友德兵圍成都偽夏丞相戴壽知院向大亨等出城拒戰以象載甲士列于

陣前友德命前鋒指揮李英等以弩矢火器衝之象
中矢卻走壽兵躡藉死者甚眾友德亦中流矢會湯
和遣人報重慶之捷壽等亦得其家書聞重慶已降
而室家皆完遂無鬪志乃籍府庫倉廩遣其子詣軍
門納款友德許之翌日壽等率其屬降友德按兵入
自東門得士馬三萬王成頴川侯傅友德分兵徇下
川蜀州縣之未附者至崇慶偽知州尹善清拒戰友
德擊敗其兵執斬之判官王桂華率城中耆民詣軍
降因籍其兵壯置守各要害得路府七元帥府八宣

慰宣撫司二十五州十七縣六十七官吏將士五萬

九百九十八馬騾一萬三千八百餘匹

按宋濂集有明昇所獻龍

馬贊序云西南夷自昔出良馬而產于羅鬼國者尤
良或云羅鬼疑即古之鬼方其地有養龍坑在兩山
之中泓渟羸深開闔靈氣而蛟龍實藏其下當春日
始和物情酣鬯夷人立柳阮畔擇牡馬之貞者繫之

已而雲霧晦暝咫尺不能辨色類有物蜿蜒上與馬
 接蓋龍云逮天色開霽視馬傍之沙有龍跡者則與
 龍遇謹其芻藻而節宣之豎產必獲龍駒焉粵若洪
 武四年六月壬寅夏國主明昇以全蜀降獻良馬凡
 十而其一色正白乃得之於阬者身長十有一尺首
 高九尺足之高比首而殺其二尺有肉隱起項下約
 厚五分廣三寸餘貫膺絡腹至尾闕而止精彩明晃
 振鬣一鳴萬馬為之辟易羈勒不可近近輒作人立
 而吼上謂天既生此英物必有神以司之親撰祝策
 詔有司以牲牢祀于馬祖然後敕典牧副使臣高敬
 囊沙四百斤壓之人跨囊上使其遊行苑中久之性
 漸柔馴適八月癸巳上將舉夕月之禮於清涼山壇
 上於是乘之而出如友德同廖永忠遣指揮高德送
 躡雲而馳一塵弗驚

幼主并彭后符璽及金印冠冕儀仗銀印五十八銅
 印六百四十至京師大明封幼主為歸命侯彭后為

王妃賜甲第以居

明太祖實錄洪武四年七月乙丑指揮萬德送明昇并降表至京師

初上聞大軍下蜀命中書集六部太常翰林國學定

議受降等禮省部言按宋太祖乾德三年蜀主孟昶

降昶及子弟偽官李昊等三十二人至闕下皆素服

紗帽進待罪表俯伏於地通事舍人掖昶起鞠躬聽

命宣制釋罪昶等再拜三呼萬歲闕門使承旨賜昶

等襲衣冠帶昶等再拜跪受各就次易服然後入見

於崇元殿闕門使引昶等人起居蹈舞稱謝宣徽使

承旨喚昶陞殿昶等下再拜陞殿宣徽使承旨宣撫

昶至御座前鞠躬太祖親撫問之昶還位與其官屬

皆蹈舞再拜三呼萬歲出中書門下率百僚稱賀今

擬明昇朝見禮上御奉天門昇等于午門外跪進待

罪表侍儀使奉表人宣表官宣讀訖承制官出傳制

昇等皆俯伏於地侍儀舍人掖昇起其屬官皆起跪

聽宣制釋罪昇等五拜三呼萬歲承制官傳制賜衣

服冠帶侍儀舍人引昇入丹墀中四拜侍儀使傳旨

昇跪聽宣諭俯伏四拜三呼萬歲又四拜出丞相率

文武百官行賀禮上曰明昇與孟昶不同昶專治國
 政所為奢縱昇年幼事由臣下宜免其叩頭伏地上
 表請罪之禮是日昇及官屬朝見百官稱賀制授昇
 為歸義侯賜冠帶衣服及居第于京師七修類稿天
 兵破蜀母子俱以劉仁為應天府尹餘授職有差
 降母召入宮
 明太祖實錄偽夏平章丁世真率其餘黨寇秦州指
 揮潘某堅壁固守攻圍五十餘日城中食盡括牛畜
 以食軍既而援兵至擊走之世真兵敗逃竄山谷自
 以嘗拒敵官軍殺傷者多懼不敢出夜宿于梓潼廟
 中為帳下小校所殺蜀平小校赴京言狀中書省臣
 奏請賞之上曰小校殺本官非所義也何賞為不許
 江夏侯周德興等克保甯先是遣使諭中山侯湯和
 等曰為將貴審機而重料敵古云雖有智慧不如乘
 勢今全蜀已下惟吳友仁尙據保甯偷旦夕之命乘
 機而取之此破竹之勢勢無不克者將軍徘徊不進
 何也吾付將軍以大任而臨事往往逗撓如此何以
 總軍政寄國命乎和等聞詔始遣周德興會傅友德

兵克其城執吳友仁械送京師蜀地悉平十月丙申
征西將軍中山侯湯和左副將軍江夏侯周德興右
副將軍德慶侯廖永忠征虜前將軍潁川侯傅友德
左副將軍濟甯侯顧時右副將軍永嘉侯朱亮祖還
京師上所佩將軍印綬并所得蜀金印冠冕儀仗銀
印五十八銅印六百四十總制府七元帥府八宣慰
八宣撫司二十五州三十七縣六十七官吏將士凡
五萬九百九十九人馬騾一萬三千八百餘匹械吳友
仁等至闕下上曰始寇漢中起兵端致明氏失國者
吳友仁也遂誅之其餘將校發戍徐州十二月辛卯
賞平蜀將士詔曰潁川侯傅友德統大軍冒越險阻
首克階文破綿漢成都克保甯諸郡德慶侯廖永忠
破瞿塘下重慶致明昇出降二人功最大各賞白金
二百五十兩綵段二十表襄濟甯侯顧時同潁川侯
進取賞白金五十兩綵段十五表襄臨江侯陳德從
克漢州成都賞白金百兩綵段十二表襄鞏昌侯郭
子興亦從克漢州成都然以有過謫從征伐賞綵段
十二表裏都督同知汪興祖攻文州歿于王事例當

倍賞然以亦有過從征賞其子白金百兩綵段十二
 表裏都督僉事何文輝王簡藍玉張溫金朝興皆賞
 白金五十兩綵段一十表裏都督僉事王成陳桓桓
 以有過從征賞綵段十表裏成以繼領軍馬接應大
 軍至青州果陽賞綵段七表裏中山侯湯和無攻城
 破關之功僅能攻下李逢春山寨賞綵段十五表裏
 江夏侯周德興克保甯賞綵段十二表裏南安侯俞
 通源從德慶侯廖永忠克李逢春山寨從江夏侯克
 保甯賞綵段一十表裏宣甯侯曹良臣從克茅岡覃
 屋寨復從下重慶賞綵段一十表裏汝南侯梅思祖
 率兵至重慶而城已下跋涉之勞賞綵段五表裏都
 督僉事仇成克李逢春山寨又從下保甯賞綵段七
 表裏都督僉事葉昇從德慶侯攻瞿塘以病不能効
 力但從克保甯賞與仇成同都督僉事林霽峯克保
 甯賞綵段六表裏其從潁川侯指揮人賞綵段八表
 裏千戶衛鎮撫賞六表裡百戶所鎮撫四表裏總旗
 白金四十二兩小旗白金一十一兩軍士十兩從德
 慶侯攻瞿塘指揮人賞綵段六表裏千戶衛鎮撫四

表裏百戶所鎮撫三表裏總旗白金十兩小旗九
兩軍士八兩從中山侯指揮賞綵段五表裏千戶衛
鎮撫三表裏百戶所鎮撫二表裏總旗白金九兩小
旗八兩軍士七兩從永嘉侯朱亮祖攻保甯指揮至
軍校等賞如中山侯至重慶者遞減一等軍校減半
不入關及守船患病者千戶百戶綵段一表裏旗軍
白金二兩凡旗軍以病自河南還者與錢一千八百
自陝西臨潼還者錢二千四百自西安還者錢三千
六百自秦州還者錢四千八百階州還者錢六千凡
水陸二路幼未編伍者減半陣亡者倍之溺墜疾病
死者賞與見軍同逃而復役者不賞是日惟營陽侯
楊璟南雄侯趙庸永嘉侯朱亮祖不與賞上諭璟等
曰爾三人不賞亦能知其過乎楊璟粗識文字命爾
統軍屢嘗失利兵法云知己知彼百戰百勝添灶減
灶人莫我知爾乃輕信敵人詭計輒使黃永謙往彼
使知我虛實雖錡釜之數亦盡知之爾嘗從克保甯
當有微賞然爾先于潞州失陷軍馬及攻覃厓寨久
不能克進攻瞿塘又致覆敗較之破保甯之功不足

以掩過趙庸從克李逢春寨及下保甯亦有微勞然
中山侯調遣率兵取桑植容美洞會江夏侯合攻覃
屋寨至中道而還向非曹良臣老于行陣功何由成
今不爾罪恩亦至矣朱亮祖比至重慶而城已下雖
有跋涉之勞而擅杖殺軍校罪浮于功賞何可得爾
等宜益自修省罪奮志勉力以圖後功璟等皆頓首
謝明日上復諭中山侯湯和曰朕前者命爾統師伐
蜀爾乃駐兵歸州逗遛不進非潁川侯越關渡險直
入劍閣致戴壽撤瞿塘之兵還援漢州德慶侯因得
乘虛攻破瞿塘則西蜀何由可下後攻保甯又不勇
往爾朕舊人自濠梁相從軍功不細宜爵爾為公緣
功過不相掩封爾為第一侯爵今又不能自奮而使
他將得上功朕甚為爾惜之朕之論功行賞如衡鑑
之于物無少差爽必合于大公至正之道雖欲爾私
不可得也和叩頭謝曰陛下屬臣以大任而臣愚劣
失機緩事死有餘責陛下天地之量宥而不誅臣已
過望况敢希重賞乎大事記云劉基獻頌上親為
文紀功低昂諸將稱傅第一廖次之云汪興祖贈東

勝明氏前後二主起于至正辛丑止于洪武辛亥共

十一年

明太祖實錄洪武五年正月歸德侯陳理歸義侯明昇居常鬱鬱不樂頗出怨言上聞之

曰此童孺輩言語小過不問但恐為小人蠱惑不能保始終宜處之遠方則釁隙無自生可始終保全矣

于是徙之高麗遣元樞密使延安荅禮護送而往仍賜高麗國王紗羅文綺四十八疋俾善待之又實

錄洪武十一年二月甲子命四川都指揮使司收集明氏故將校為兵凡六千五百餘人史官方

孝孺曰幼主雖春秋未富德性純雅通孝經論語為

權臣執國命不能宰制所以內相屠戮自翦其羽翼

是以國內空虛天戈一揮若崩厥角歸于大明一統

固其宜也

谷應泰紀事本末論曰聞之名山大川不封諸侯王公設險用守厥國而周都雒陽

則曰南望三塗北望嶽鄙有德易以王無德易以亡
蓋古者賢明之主在德不在險也夫中國之得地險
者宜無過巴蜀棧道揭其北瀘水阻其西表岷峨之
天關帶二江之雙流勇夫重閉幾乎斗絕矣而自古
及今敗亡相繼俘縶入臣罕有全者則蜀之地險固
不足恃也方夫元運垂終羣雄並起明玉珍以隨州
布衣結寨青山爲徐壽輝之外臣倪文俊之守將及
文俊見殺于友諒而遂奄有三巴盜竊名字比之劉
宗下輦而自王公孫躍馬而稱帝功尤易也玉珍
不以此時北趨子午入叩關隴南下夷陵先窺漢沔
而但固守夔關改元稱制偏隅自割坐待滅亡此策
之最下者是則東之自守者無過士誠而西之自守
者無過玉珍也方太祖之初逐鹿中原未遑外討荅
書通聘以待隗囂厚禮卑詞以驕李密而使者乃以
張裔之口舌誇蠶叢之形勢井蛙坐大斯爲過矣至
于元都已沒秦晉悉平蜀道一隅勢如黑子乃始命
鄒興莫仁壽等瞿塘阻水鐵鎖橫關丸泥墨守不已
晚乎若夫太祖之伐蜀也以湯和等舟師入峽疾趨

重慶此正兵也而傅友德一軍揚言發金牛潛師取
階文者此奇兵也夫鄧艾絕入陰平則綿竹之師不
推而潰吳漢襲至廣都則城市之橋可燒而斷宜乎
劉仁表詣軍門明昇面縛銜璧而彭氏以爲縱走成
都不過延命旦夕也乃知桓溫旣入李勢告亡全斌
濟師孟昶不祀此張載勒銘于劍閣左思致誠于蜀
都玉壘銅梁險無足據矣從此再驩效順叩笮景從
蒟醬出于番禺竹枝來于大夏版圖之盛固不必言
獨是功紀傳廖文皆御製楊璟以無績而不敘小校
以非義而輟賞勸懲斯在又非特平蜀之規耳若夫
明昇者封侯歸義居第京師要領克全母子相保雖
劉禪樂魏身不生還而望帝歸魂死猶啼血嗚呼方
西川僭號時其
爲寄生久矣

明玉珍乘元末之亂盜據蜀土兩世凡十有一年楊學可撰明氏實錄紀載寥寥大興徐星伯先生得彭文勤公校本取明太祖實錄及大事記明史本傳諸書補注于下事蹟始備古來霸史之見于藝文志者今多不傳而學可之書猶存學可文筆未合史法將賴先生之注以傳不可謂非幸矣先生著書數十種新疆水道記及漢書西域傳補注等書精確創所未有是注特其遊戲之作然改正錯簡考覈同異皆極精當撰出先生卽小種亦非尋常可及昔惠松厓先

生注太上感應篇人不重感應篇而重注先生此書亦猶是也一拳之石具有龍門太華之觀真可寶貴者矣先生屬堽書數語於後堽於先生無能爲役謹識欽服之忱云爾烏程沈堽跋